

ქ. თბილისი

07.05.2018 წ.

### 1. ხელშეკრულების დამდები მხარეები

ერთი მხრივ ქალაქ თბილისის მუნიციპალიტეტის მერია (შემდგომში – შემსყიდველი), წარმოდგენილი მერის მოადგილის ირაკლი ბენდელიანის სახით და მეორეს მხრივ შპს „LMC“ („შემდგომში მიმწოდებელი“), წარმოდგენილი მისი დირექტორის მინდოხილი პირის (სანოტარო აქტი №180473300) შალვა უგრეხელიძის სახით საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

### 2. ხელშეკრულების (შესყიდვის) ობიექტი, შესყიდვის საშუალება,

ხელშეკრულების ღირებულება, ხელშეკრულების ძალაში შესვლა და მოქმედების ვადა

2.1 ხელშეკრულების (შესყიდვის) ობიექტია: ქ. თბილისში, უჩანეიშვილის ქ. N2-ის მიმდებარედ საყრდენი კედლის მოწყობის სამუშაოების საპროექტო დოკუმენტაციის შედგენის მომსახურების სახელმწიფო შესყიდვა, რომლის პირობებიც განსაზღვრულია ხელშეკრულების დანართით (ტექნიკური დავალება და ხარჯთაღრიცხვა) რომელიც თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება: ელექტრონული ტენდერი აუქციონის გარეშე.

2.3 ელექტრონული ტენდერის აუქციონის გარეშე განცხადების ნომერი: NAT180005358.

2.4 ხელშეკრულების ღირებულება შეადგენს 11 789.97 (თერთმეტი ათას შვიდას ოთხმოცდაცხრა ლარი და 97 თეთრი) ლარს, ყველა გადასახადის ჩათვლით.

2.5 კლასიფიკატორის კოდი: 71320000 - საინჟინრო - საპროექტო მომსახურება.

2.6 ხელშეკრულება ძალაში შედის გაფორმებისთანავე და ძალაშია 2018 წლის 31 დეკემბრის ჩათვლით.

### 3. მომსახურების გაწევის პირობები და ვადები

3.1 საპროექტო დოკუმენტაციის მიწოდების ვადა - ხელშეკრულების გაფორმებიდან 40 (ორმოცი) კალენდარული დღე (ექსპერტიზის მომსახურების ვადის ჩათვლით).

3.2 პროექტი წარმოდგენილი უნდა იყოს ხელშეკრულების დანართის შესაბამისად, რომელიც წარმოადგენს ხელშეკრულების განუყოფელ ნაწილს.

3.3 საპროექტო დოკუმენტაციის მიწოდების ადგილი: ქ. თბილისი, ჟ. შარტავას ქ. №7, ქ. თბილისის მუნიციპალიტეტის მერიის ინფრასტრუქტურის განვითარების საქალაქო სამსახური.

### 4. გასაწევი მომსახურების ხარისხი

4.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

4.2 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხირდან რაიმე დამატებითი დანახარჯის გაწევის გარეშე.

### 5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის მერიის ინფრასტრუქტურის განვითარების საქალაქო სამსახურის თანამშრომლები ან/და სამსახურის მიერ განსაზღვრული უფლებამოსილი პირ(ებ)ი.

5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა

სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

5.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა ხარვეზის ან ნაკლის აღმოფხვრა.

## 6. შესყიდვის ობიექტის მიღება-ჩაბარების წესი

6.1 შესყიდვის ობიექტი ჩაითვლება მიღებულად მხოლოდ მიღება - ჩაბარების აქტის გაფორმების შემდეგ.

6.2 მიღება-ჩაბარების აქტი გაფორმდება მხოლოდ სრული საპროექტო-სახარჯთაღრიცხვო დოკუმენტაციის ექსპერტიზის დადებითი დასკვნის წარმოდგენის შემდეგ, რომელიც გაცემულ უნდა იქნას სსიპ „ლევან სამხარაულის სახელობის ექსპერტიზის ეროვნული ბიურო“-ს ან სხვა აკრედიტირებული პირის მიერ.

6.3 შემსყიდველის მხრიდან ხელშეკრულებით გათვალისწინებული მიღება-ჩაბარების აქტ(ებ)ის გაფორმებაზე უფლებამოსილ პირებს წარმოადგენენ ქალაქ თბილისის მუნიციპალიტეტის მერიის მიერ სახელმწიფო შესყიდვების განხორციელებასთან და სახელმწიფო შესყიდვის შესახებ ხელშეკრულებების დადებასთან დაკავშირებული ორგანიზაციულ-ტექნიკური უზრუნველყოფის თაობაზე ქალაქ თბილისის მუნიციპალიტეტის მერის ბრძანებით განსაზღვრული პირ(ებ)ი.

6.4 შესყიდვის ობიექტის მიღების და/ან საბოლოო შემოწმების შედეგად გამოვლენილი დეფექტის აღმოფხვრას საკუთარი ხარჯებით უზრუნველყოფს მიმწოდებელი.

6.5 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

## 7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება 2018 წლის, ქ. თბილისის ბიუჯეტის სახსრებით ეტაპობრივად, მიღება-ჩაბარების აქტის გაფორმებიდან 10 (ათი) სამუშაო დღის ვადაში.

7.3 იმ შემთხვევაში, თუ ამ ხელშეკრულების მე-13 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინების მიღებიდან 7.2 პუნქტით გათვალისწინებულ ანგარიშსწორებამდე მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი ვალდებულია მიღება-ჩაბარების აქტით განსაზღვრული გაწეული მომსახურების ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა დაუქვითოს მიმწოდებელს, რის შემდეგაც მიმწოდებელს ჩაერიცხება დარჩენილი თანხა.

7.4 წინასწარი ანგარიშსწორება (ავანსი) არ გამოიყენება.

## 8. ხელშეკრულების პირობების შეუსრულებლობა

*(საჯარიმო სანქციები, ფორმა, ოდენობა, და გადახდის ვადები)*

8.1 ფორს-მაჟორული პირობების გარდა, ხელშეკრულების დამდეგი მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები;

8.2 მიწოდების ვადის დარღვევის შემთხვევაში, მიმწოდებელს დაეკისრება პირგასამტეხლო, ხელშეკრულების ღირებულების 0,02%-ის ოდენობით, ყოველ ვადაგადაცილებულ დღეზე;

8.3 ხელშეკრულების ცალმხრივად შეწყვეტის შემთხვევაში მიმწოდებელი დაჯარიმდება ხელშეკრულების ღირებულების 5% -ის ოდენობით.

8.4 საჯარიმო სანქციით დაკისრებული თანხა გადახდილ უნდა იქნას ამ ხელშეკრულების მე-13 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინებიდან 10 (ათი) კალენდარული დღის ვადაში.

8.5 ხელშეკრულების 7.2 პუნქტის მოთხოვნის დარღვევის შემთხვევაში შემსყიდველს დაეკისრება პირგასამტეხლო ჩასარიცხი თანხის 0,02 %-ის ოდენობით, ყოველ ვადაგადაცილებულ დღეზე.

8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

## 9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ მომსახურების ვადის 20 კალენდარულ დღეზე მეტი ვადით გადაცილების შემთხვევაში.

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

## 10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორსმაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორსმაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

## 11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

## 12. ღირებულება

12.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

12.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, თუ ამ ცვლილების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

12.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

## 13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

13.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: ტელეფონის ნომერი: 577 53 58 53, საკონტაქტო პირი: შალვა უგრეხელიძე, ელექტრონული ფოსტა: [lmcltd2011@gmail.com](mailto:lmcltd2011@gmail.com);

ბ) შემსყიდველის შემდეგი რეკვიზიტები: ტელეფონის ნომერი: 598 93 93 77, საკონტაქტო პირი: ვაჟა ადამია, ელექტრონული ფოსტა: [infrastructure@tbilisi.gov.ge](mailto:infrastructure@tbilisi.gov.ge);

13.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

13.4 შეტყობინება შედის ძალაში ადრესატის მიერ მისი მიღების დღეს.

## 14. სადაო საკითხების გადაწყვეტა

14.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

14.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

14.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

14.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

14.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## 15. სხვა პირობები

15.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

## 16. მხარეთა იურიდიული რეკვიზიტები

შემსყიდველი:



ქალაქ თბილისის მუნიციპალიტეტის მერია  
ქ. თბილისი, ყ. შარტავას ქ. #7  
ქ. თბილისი, „სახელმწიფო ხაზინა“  
ბანკის კოდი: TRESGE22  
საიდ. კოდი: 204521794  
ანგ N GE24NB0330100200165022

მიმწოდებელი:



შპს „LMC“  
ქ. თბილისი, ი. აბაშიძის ქ. #50, ბ. 20  
სს „თიბისი ბანკი“  
ბანკის კოდი: TBCBGE22  
საიდ. კოდი: 404919120  
ა/ა: GE42TB7110936080100001

## ტექნიკური დავალება

### საპროექტო ობიექტის მდებარეობა და მოკლე აღწერა:

საპროექტო ობიექტი მდებარეობს ქალაქ თბილისში, ვაკის რაიონში, უჩანეიშვილის ქუჩა #2-ის მიმდებარედ, იხ. ორთოფოტო.

ძირითადი სავარაუდო პარამეტრები:

1. საპროექტო კედლის სავარაუდო სიგრძე - 60-70 მ (დაზუსტდეს პროექტირების პროცესში);
2. საპროექტო კედლის სიმაღლე - 5 –7 მ (დაზუსტდეს პროექტირების პროცესში);

### **წარმოსადგენი საპროექტო დოკუმენტაციის შემადგენლობა**

#### **1. წინასაპროექტო საკვლევ-სამიეზო სამუშაოები:**

- 1.1. ტოპოგოდეზიური სამუშაოების ჩატარება UTM კოორდინატთა სისტემაში „CORS“ (არსებული კომუნიკაციების დატანით სიტუაციურ გეგმებზე);
- 1.2. ტერიტორიის საინჟინრო-გეოლოგიური (საჭიროების შემთხვევაში ჰიდროლოგიური) კვლევა და შესაბამისი დეტალური დასკვნების წარმოდგენა, გრაფიკული ჭრილებით;
- 1.3. გრუნტის სინჯების აღება საჭირო სიღრმეზე და ნებისმიერი სხვა გეო-ტექნიკური კვლევები და გამოცდა სათანადო ინტერვალებში, როგორც ეს საჭიროა კედლის პროექტირებისათვის (წარმოდგენილი იქნას ფოტომასალა);
- 1.4. აუცილებელი პირობა: საინჟინრო-გეოლოგიურ კვლევას აუცილებელია დაესწროს ქ. თბილისის მუნიციპალიტეტის მერიის ინფრასტრუქტურის განვითარების საქალაქო სამსახურის თანამშრომელი (გეოლოგი), რა დროსაც შედგება შესაბამისი აქტი იმის დასადასტურებლად, რომ კვლევა (ნაგებობის დაფუძნების პირობების გასარკვევად-გაყვანილი შურფები; უბნის საინჟინრო-გეოლოგიური პირობების დასახასიათებლად- გაბურღული ჭაბურღილები; გრუნტის ნიმუშების ლაბორატორიული შესწავლა) განხორციელდა. წინააღმდეგ შემთხვევაში შემსყიდველი არ ჩათვლის საპროექტო დოკუმენტაციას სრულყოფილად.
- 1.5. შემსრულებელმა მუშა პროექტის შედგენამდე უნდა წარმოადგინოს და დამკვეთთან შეათანხმოს, საპროექტო კედლის შესაძლო ვარიანტ(ებ)ი, შესაბამისი ანალიზით;

#### **2. წარმოსადგენი საპროექტო დოკუმენტაციის შემადგენლობა:**

- 2.1. მუშა პროექტის შედგენა მოქმედი სამშენებლო ნორმების, წესების და სტანდარტების დაცვით;
- 2.2. განმარტებითი ბარათი (უნდა შეიცავდეს: ობიექტის არსებული მდგომარეობის დეტალურ აღწერას, მოსაწყობი კედლის პარამეტრებს, საპროექტო გადაწყვეტილებებს, შესასრულებელ სამუშაოთა აღწერას, თანმიმდევრობას და სხვა);
- 2.3. სიტუაციური გეგმები (რეპერების კოორდინატების მითითება);
- 2.4. განივი და გრძივი პროფილები, სადაც დატანილი უნდა იყოს საპროექტო და არსებული ხელოვნური ნაგებობების პარამეტრები;
- 2.5. ცხრილები და უწყისები; (შესასრულებელი სამუშაოთა კრებისათვის უწყისი Excel-ის ფორმატში)
- 2.6. საყრდენი კედლის კონსტრუქციული და მუშა ნახაზები შესაბამისი ანგარიშებით (გეგმები, ჭრილები, დეტალები, სპეციფიკაციები და სხვა);
- 2.7. მშენებლობის სახარჯთაღრიცხვო დოკუმენტაციის შედგენა საბაზრო და რესურსული ფასებით, ასევე გამარტივებული ვერსიით ელექტრონული და ნაბეჭდი ვერსიის სახით (დამკვეთის მიერ მოცემული ფორმით);

- 2.8. სახარჯთაღრიცხვო დოკუმენტაციაში გათვალისწინებული უნდა იქნას სამუშაოების/მომსახურების შესრულებისას წარმოქმნილი ნარჩენების (ინერტული) განთავსება ქ. თბილისის მუნიციპალიტეტის მიერ საამისოდ სპეციალურად გამოყოფილ ტერიტორიაზე-სამშენებლო ნარჩენების ნაგავსაყრელზე (ქალაქ თბილისში, გლდანის მუნიციპალიტეტი, თბილისის შემოვლითი გზის მე-15 კ.მ.-ის მიმდებარედ).
- 2.9. მშენებლობის ორგანიზაციის პროექტი (მ.შ. სამუშაოთა შესრულების ტექნოლოგიური სქემები, კალენდარული გეგმა-გრაფიკები, მანქანა-მექანიზმების ჩამონათვალი, შრომის უსაფრთხოების ღონისძიებები და სხვა);
- 2.10. სრული საპროექტო დოკუმენტაციის დაკომპლექტება და წარმოდგენა ელექტრონული ვერსიისა (ნახაზები - DWG და PDF ფორმატში, უწყისები და ხარჯთაღრიცხვა - Excel-ის ფორმატში, ფონტით - "sylfaen", ხოლო ლათინური სიმბოლოები - „Calibri“-ით) და ნაბეჭდი სახით, 4 (ოთხ) ეგზემპლიარად;
- 2.11. ნახაზები წარმოდგენილი უნდა იქნას იოლად აღქმადი მასშტაბის მიხედვით;

### 3. სხვა მოთხოვნები:

1. მიმწოდებელი ვალდებულია ტექნიკური დავალებით გათვალისწინებული გარემოება (მისი წარმოშობის შემთხვევაში) შეიტანოს საპროექტო დოკუმენტაციაში დამატებითი ანაზღაურების გარეშე (დამკვეთთან შეთანხმებით);
2. მიმწოდებელი ვალდებულია მშენებლობის დროს შემსრულებელს საჭიროების შემთხვევაში პერიოდულად გაუწიოს საავტორო ზედამხედველობა დამატებითი ანაზღაურების გარეშე.
3. არსებობის შემთხვევაში დოკუმენტაციაში უნდა იყოს უწყისები შესასყიდი კერძო ნაკვეთების, ნარგავების და შენობა-ნაგებობების შესახებ, დასაკავებელი მიწების (გზის განთვისების ზოლში) ოდენობა, მათი სახეობა, დანიშნულებები და სხვა მახასიათებლები (შენობა-ნაგებობები, ხეხილი, ბიზნეს საქმიანობა და ა.შ.) საპროექტო გზის განთვისების ზოლში მოხვედრილი მოსახლეობისათვის, მათი ქონების გამოსყიდვისა და განსახლების ქმედებებისათვის საჭირო ზომები და მისი ღირებულებები დასაკავებელი მიწებისა და განსახლების საკითხების გათვალისწინებით. ამასთანავე უწყისები აღსადგენი ღობეების და სხვა ობიექტების შესახებ;
4. საქართველოს კანონის „ქალაქ თბილისის საზღვრებში და მიმდებარე ტერიტორიაზე არსებული მწვანე ნარგავების და სახელმწიფო ტყის ფონდის განსაკუთრებული დაცვის შესახებ“ და 2014 წლის 12 დეკემბრის #17-55 „ქალაქ თბილისის მუნიციპალიტეტის მწვანე ნარგავების დაცვის, მოვლისა და აღდგენის წესის დამტკიცების შესახებ“ ქალაქ თბილისის მუნიციპალიტეტი საკრებულოს დადგენილების საფუძველზე შედგენილი უნდა იქნას მწვანე ნარგავის სახეობის და დიამეტრის მიხედვით მათი მოჭრის, ამოღება-გადარგვის და აღდგენითი შესასრულებელი სამუშაოების საპროექტო და სახარჯთაღრიცხვო დოკუმენტაციის შედგენა და შეთანხმება ქალაქ თბილისის მუნიციპალიტეტის მერიის გარემოს დაცვის საქალაქო სამსახურთან.

პრეტენდენტის დასახელება: შ.პ.ს "LMC"


## ხარჯთაღრიცხვა

| № | დასახელება                                                                                                                                                                                                                                                                                                                                                                                                                                   | ღირებულება<br>(ლარი) |
|---|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------|
| 1 | ტოპო გეოდეზიური სამუშაოების ჩატარება, არსებული საინჟინრო ქსელების მდგომარეობის და ხელოვნური ნაგებობების დაფიქსირება                                                                                                                                                                                                                                                                                                                          | 1000                 |
| 2 | საინჟინრო-გეოლოგიური კვლევა                                                                                                                                                                                                                                                                                                                                                                                                                  | 2000                 |
| 3 | მუშა ნახაზების შედგენა                                                                                                                                                                                                                                                                                                                                                                                                                       | 3000                 |
| 4 | სახარჯთაღრიცხვო დოკუმენტაციის შედგენა                                                                                                                                                                                                                                                                                                                                                                                                        | 1000                 |
| 5 | სრული საპროექტო დოკუმენტაციის დაკომპლექტება და წარმოდგენა ნაბეჭდი (4 ეგზემპლ.) და ელექტრონული ვერსიის სახით, ფონტი-„sylfaen“, ხოლო ლათინური სიმბოლოები - „Galibri“-ით), (პროექტი-„PDF“ და „DWG“, ხარჯთაღრიცხვა - „EXCEL“ ფორმატში) სრულ საპროექტო-სახარჯთაღრიცხვო დოკუმენტაციის ექსპერტიზის დასკვნასთან ერთად, რომელიც გაცემულ უნდა იქნას სსიპ „ლევან სამხარაულის სახელობის ექსპერტიზის ეროვნული ბიურო“-ს ან სხვა აკრედიტირებული პირის მიერ. | 2991.5               |
|   | ჯამი                                                                                                                                                                                                                                                                                                                                                                                                                                         | 9991.5               |
|   | დღგ-18%                                                                                                                                                                                                                                                                                                                                                                                                                                      | 1798.47              |
|   | სულ                                                                                                                                                                                                                                                                                                                                                                                                                                          | 11789.97             |

მომსახურების ხარჯთაღრიცხვა წარმოდგენილ უნდა იქნას დანართი N1-ის მიხედვით (ხარჯთაღრიცხვის წარმოდგენილობა დაზუსტებას არ დაექვემდებარება და გამოიწვევს პრეტენდენტის დისკვალიფიკაციას).

ხელმოწერა

ბ.ა





საქართველო



სანოტარო მოქმედების დასახელება  
რწმუნებულების / მინდობილობის დამოწმება

სანოტარო მოქმედების რეგისტრაციის ნომერი

N180473300



რეგისტრაციის თარიღი

30.04.2018 წ

ნოტარიუსი: თინათინ დევდარიანი

მისამართი: ქ. თბილისი, ი. აბაშიძის ქუჩა N39

ტელეფონი: 229-35-11

სანოტარო მოქმედებისა და სანოტარო აქტის შესახებ ინფორმაციის (მისი შექმნის, შეცვლის და/ან გაუქმების შესახებ) მიღება-გადამოწმება შეგიძლიათ საქართველოს ნოტარიუსთა პალატის ვებ-გვერდზე: [www.notary.ge](http://www.notary.ge) ასევე შეგიძლიათ დარეკოთ ტელეფონზე: +995(32) 2 66 19 18

სამართლებლო

მ. თბილისი

ორიბათსთერამეტი წლის ოცდაათ აპრილს მე, ნოტარიუსს თინათინ ღვამარიაძეს ჩემს, სანოტარო ბიუროში, რომელიც მდებარეობს მისამართზე: ქ.თბილისი, ირ. აბაშიძის №39, ბინა №23-ში მომართა ღვამარიაძე ჩახვამილმა (დაბადებული 16.08.1970წ. თბილისში, მცხ. ქალაქი თბილისი, პეტრე ქავთარაძის ქუჩა, 45, ბინა 30, პირადი №01019001017, პირადობის მოწმობა 111D73290). მან განაცხადა რომ არის შპს (LMS) - ს (განაცხადის რეგისტრაციის ნომერი №404919120, ამონაწერის მომზადების თარიღი 27.07.2015 საიდენტიფიკაციო №404919120 სახელმწიფო რეგისტრაციის თარიღი 22.11.2011წ.) დირექტორი. მან გამოხატა სანოტარო აქტის (მინდობილობის) შედგენისა და მისი სანოტარო წესით დადასტურების ნება. მე დაეადგინე მისი პირადობა მის მიერ წარმოდგენილი პირადობის დამადასტურებელი დოკუმენტით და დაერწმუნდი, რომ მე ნამდვილად ღვამარიაძე ჩახვამილმა მომმართა. ასევე მე დაეადგინე მისი ნების გამოვლენის ნამდვილობა და მინდობილობის შინაარსი, შემდეგ შევადგინე მინდობილობა, რომელიც წაუკითხე და განუმარტე მას. მე შევამოწმე მისი ქმედუნარიანობა და უფლებამოსილება და ვადასტურებ, რომ მის ქმედუნარიანობაში ეჭვის შეტანის საფუძველი არ მაქვს. მან წაიკითხა მინდობილობა და მკაფიოდ განაცხადა, რომ იგი ზუსტად გამოხატავს მის ნებას და ჩემი თანდასწრებით პირადად მოაწერა ხელი შემდეგ მინდობილობას:

მინდობილობა

ორიბათსთერამეტი წლის ოცდაათ აპრილს ღვამარიაძე ჩახვამილმა როგორც შპს (LMS) - ს დირექტორმა წინამდებარე მინდობილობით შეაღწა შპს-ის წარმომადგენლის (დაბადებული 22.03.1968წ. თბილისში, მცხ. ქალაქი თბილისი, ვახტანგ მოკოტეშვილის ქუჩა, N 22, პირადი №01026005914, პირადობის მოწმობა 151F17978) მიანიჭა შემდეგი უფლებამოსილება:

იყოს მისი, როგორც შპს (LMS) - ს დირექტორის წარმომადგენელი ნებისმიერ ფიზიკურ და იურიდიულ პირებთან, ნებისმიერ სახელმწიფო დაწესებულებებში, მათ შორის სსიპ შემოსავლების სამსახურში და მის შესაბამის ტერიტორიულ ორგანოებში, საგადასახადო ინსპექციაში, საქართველოს იუსტიციის სამინისტროს საჯარო რეგისტრის ეროვნულ სააგენტოში, მეწარმეთა და არასამეწარმეო (არაკომერციული) იურიდიულ პირთა რეესტრში, ეკონომიკისა და მდგრადი განვითარების სამინისტროში, ნოტარიუსთან, ნოტარიუსთა პალატაში და მესამე პირებთან ურთიერთობებში, საბაჟო სამსახურებში და სხვა. შეასრულოს საბაჟო დეკლარაციებთან დაკავშირებული ნებისმიერი მოქმედება გადაიხადოს ყველა სახის გადასახადი და მოსაკრებელი, აწარმოოს მოლაპარაკებები, შეასრულოს საბაჟო პროცედურები, შპს (LMS) - ს სახელით კომერციული საქმიანობისათვის მიიღოს და გააფორმოს (განაბავს) ნებისმიერი სახის პროდუქცია და მოახდინოს მისი ტრანსპორტირება, ამასთან დაკავშირებით აწარმოოს ყოველგვარი სასაქონლო ოპერაციები, ისარგებლოს შპს (LMS) - ს ბეჭდით და სხვა. ასევე ანიჭებს უფლებამოსილებას ისარგებლოს ყველა იმ უფლებებითა და მოვალეობებით, რაც კანონმდებლობითა და წესდებით მინიჭებული აქვს დირექტორს, აწარმოოს მოლაპარაკებები, დადოს და გააუქმოს ხელშეკრულებები, შეაგროვოს და მიიღოს ყველა საჭირო ცნობები, ხელი მოაწეროს კრების ოქმებს, ნებართვებს, თანხმობებს, გადაწყვეტილებებს, ხელშეკრულებებს და სხვა დოკუმენტაციას, გადაიხადოს ყველა სახის მოსაკრებელი და გადასახადი და შეასრულოს ნებისმიერი მოქმედება და საქართველოს კანონმდებლობით დადგენილი პროცედურა, რაც დაკავშირებული იქნება მინიჭებული უფლებამოსილების შესრულებასთან.

მასვე ანიჭებს უფლებამოსილებას იყოს მისი წარმომადგენელი საქართველოს ნებისმიერ საბაჟო დაწესებულებაში, მათ შორის სს „საქართველოს ბანკი“, „თიბისი ბანკ“-ში, „ლიბერთი ბანკ“-ში და სხვა. მართოს და განკარგოს შპს (LMS) - ს სახელზე გახსნილი ნებისმიერი ანგარიშები. შეიტანოს, გამოიტანოს თანხა, შეამოწმოს და მოითხოვოს ანგარიშების ამონაწერები, განახორციელოს გადარიცხვები, კონვერტაცია, გახსნას და დახუროს ანგარიშები. მასვე ანიჭებს უფლებამოსილებას აწარმოოს უნაღდო და ნაღდი ოპერაციები, მიიღოს ცნობები და ამონაწერები, დაამზადოს ყველა სახის საბანკო დოკუმენტი, მათ შორის დაამზადოს შპს (LMS) - ს სახელზე ბარათები და მიიღოს აღნიშნული ბარათები, რომლის მეშვეობითაც შესაძლებელი იქნება ბანკიდან ყულადი თანხის მიღება, ინტერნეტ ბანკინგის გამოყენება და ნებისმიერი სახის საბანკო ოპერაციების წარმოება, მოაწეროს ხელი მის მაგიერად ნებისმიერი სახის ხელშეკრულებებს, მათ შორის სახელფასო ხელშეკრულებებს, ასევე დაიცვას შპს (LMS) - ს ინტერესები იუსტიციის სამინისტროსა და მის სამსახურებში, საგადასახადო ორგანოებში, განახორციელოს დამატებითი ღირებულების გადასახადიდან გათავისუფლება, შეიტანოს განაცხადი ელ. დეკლარაციის მომსახურებაზე, წარადგინოს და მიიღოს ნებისმიერი სახის დოკუმენტაცია, მათ შორის ელ. დოკუმენტაცია. მოაწეროს ხელი საჭირო დოკუმენტაციას და ასევე შეასრულოს ნებისმიერი მოქმედება რაც დაკავშირებული იქნება ამ დავალების შესრულებასთან და არ ეწინააღმდეგება საქართველოს კანონმდებლობით.

ეს მინდობილობა გაცემულია ათი წლის ვადით და ძალაშია 2028 წლის 30 აპრილის ჩათვლით.

ეს მინდობილობა შედგენილია ოთხ თანაბარმნიშვნელოვან ეგზემპლარად, რომელთაგან ერთი რჩება ნოტარიუსის, თინათინ ღვამარიაძის, სანოტარო არქივში. ① იმოდენილია: „LMS“ უნდა იყოს; „LMS“ უნდა იყოს; „LMS“ უნდა იყოს


იქცეს გვერდი, შეიანზეტი - მთელი ჩანაწერი; იქცეს - 04. 05 - 2018 წ.

დანართი: (განაცხადის რეგისტრაციის ნომერი № 404919120, ამონაწერის მომზადების თარიღი 27.07.2015 საიდენტიფიკაციო №404919120 სახელმწიფო რეგისტრაციის თარიღი 22.11.2011წ.)

გადახდილია სასაღური 10.00 (ათი) ლარი, 2011 წლის 29 დეკემბრის საქართველოს მთავრობის №507 დადგენილების, „სანოტარო მოქმედებათა შესრულებისათვის სასაღურისა და საქართველოს ნოტარიუსთა პალატისთვის“ დადგენილი საფასურის ოდენობების, მათი გადახდებიდან წესისა და მომსახურების ვადების დამტკიცების შესახებ“ და 2 ლარი „სანოტარო რეგისტრაციის საფასური“ ზემოთმითითებული კანონის 39-ე მუხლის მოთხოვნით, ასევე საქართველოს საგადასახადო კოდექსის მუხლების მოთხოვნათა შესაბამისად 1.80 ლარი დღე, სულ 13.80 (ცამეტი ლარი და ოთხმოცი თეთრი) ლარი.

ნოტარიუსი

თინათინ ღვამარიაძე



სანოტარო მოქმედების რეგისტრაციის ნომერი

N180502395



სანოტარო მოქმედების რეგისტრაციის თარიღი

04.05.2018 წ

სანოტარო მოქმედების დასახელება

დოკუმენტის ასლის დამოწმება

ნოტარიუსი

თინათინ დევდარიანი

სანოტარო ბიუროს მისამართი

ქ. თბილისი, ი. აბაშიძის ქუჩა N39

სანოტარო ბიუროს ტელეფონი

229-35-11

სანოტარო მოქმედების ინდივიდუალური ნომერი 11254371327018



სანოტარო მოქმედებისა და სანოტარო აქტის შესახებ ინფორმაციის (მისი შექმნის, შეცვლის და/ან გაუქმების შესახებ) მიღება-გადამოწმება შეგიძლიათ საქართველოს ნოტარიუსთა პალატის ვებ-გვერდზე: [www.notary.ge](http://www.notary.ge) ასევე შეგიძლიათ დარეკოთ ტელეფონზე: +995(32) 2 66 19 18


### საქართველო

მ. თბილისი


მე, ნოტარიუსი თინათინ დევდარიანს, რომლის სანოტარო ბიურო მდებარეობს მისამართზე: ქ. თბილისი, ირ. აბაშიძის ქ. №39, ბინა №23-ში ვამოწმებ წინამდებარე ფოტოასლის შესაბამისობას მის წარმოდგენილ დედანთან (მინდობილობა რეგისტრის № 180473300 დამოწმებული ნოტარიუს თინათინ დევდარიანის მიერ 30.04.2018 წელს.). დოკუმენტის დედანში არის ნოტარიუსის მიერ განხორციელებული, დათქმული შესწორებები. დოკუმენტის დედანში სხვა ამოშლილი, ამოფხეკილი, მიწერილი, გადახაზული (გადაშლილი) სიტყვები, წინადადებები და სხვა აღუნიშნველი გასწორებანი ან ზემოთაღნიშნულის გარდა რაიმე თავისებურებანი არ აღენიშნება.

2011 წლის 29 დეკემბრის საქართველოს მთავრობის „სანოტარო მოქმედებათა შესრულებისათვის საზღაურისა და საქართველოს ნოტარიუსთა პალატისთვის დადგენილი საფასურის ოდენობების, მათი გადახდევინების წესისა და მომსახურების ვადების დამტკიცების შესახებ“ №507 დადგენილების 31-ე მუხლით გადახდილია საზღაური 1.00 ლარი და დ.დ.გ 0.18 ლარი. საქართველოს საგადასახადო კოდექსის მოთხოვნათა შესაბამისად, სულ 1.18 ლარი.

ნოტარიუსი



თინათინ დევდარიანის



## ინტერესთა კონფლიქტის არარსებობის შესახებ

ქ. თბილისი

07.05.2018 წ.

ვადასტურებ, რომ ქალაქ თბილისის მუნიციპალიტეტის მერიის მიერ გამოცხადებულ ქ. თბილისში, უჩანეიშვილის ქ. N2-ის მიმდებარედ საყრდენი კედლის მოწყობის სამუშაოების საპროექტო დოკუმენტაციის შედგენის მომსახურების სახელმწიფო შესყიდვასთან დაკავშირებულ ელექტრონულ ტენდერში აუქციონის გარეშე (განცხადების № NAT180005358), ჩემი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს კანონის მე-8 მუხლის მოთხოვნებს და ტენდერში მონაწილეობით ინტერესთა კონფლიქტში არ ვიმყოფები.

*სატენდერო კომისიის თავმჯდომარე**ქ. თბილისის მუნიციპალიტეტის მერის მოადგილე:*

ირაკლი ბენდელიანი -

